

From: Unit Komunikasi Korporat
Sent: Tuesday, August 8, 2017 9:35 AM
To: UUM - All Staff; UUM - All Students
Subject: Lawatan Industri Perluas Kerjasama UUM Dan UMW Grantt



Unit Komunikasi Korporat
CORPORATE COMMUNICATION UNIT
Universiti Utara Malaysia



8 OGOS 2017 / 15 ZULKAEDAH 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon

Gambar oleh: Abdul Halim Husain dan Mohd Amir Aizat Sainon

LAWATAN INDUSTRI PERLUAS KERJASAMA UUM DAN UMW GRANTT



UUM ONLINE: Selangor - Bagi meluaskan dan mengukuhkan lagi skop kerjasama di antara Universiti Utara Malaysia (UUM) dan UMW Grantt International Sdn Bhd, delegasi UUM yang terdiri daripada 30 staf akademik dari Pusat Pengajian Antarabangsa (SoIS) telah mengadakan lawatan industri ke syarikat berkenaan yang terletak di Shah Alam, semalam.

Lawatan industri yang diketuai oleh Pengerusi Lembaga Pengarah Universiti, Tan Sri Siti Sa'diah Sheikh Bakir itu turut disertai Naib Canselor, Prof Dato' Seri Dr Mohamed Mustafa Ishak, Penolong Naib Canselor UUM COLGIS, Prof Dr Bashawir Hj Abdul Ghani dan Ketua Pustakawan, Sallehudin Mustaffa adalah susulan daripada Memorandum Perjanjian (MoA) yang ditandatangani di UUM pada April lalu.

Tan Sri Siti Sa'diah berkata lawatan balas itu merupakan kesinambungan kerjasama strategik yang telah terjalin di antara UUM dengan UMW GRANTT bertujuan membuka lebih banyak peluang kerjasama terutama dari segi penglibatan pelajar dan staf UUM begitu juga pihak UMW GRANTT.

"Kerjasama antara UUM dengan UMW GRANTT ini diharap akan membuka minda masyarakat bahawa dunia akademik dan industri perlu berganding bahu dalam menyediakan dan memperkasakan gedung ilmu agar anak bangsa dapat membina kemahiran berasaskan tempat kerja, dan mewujudkan jaringan dan hubungan dengan pihak industri secara realistik pada peringkat prakerjaya," ujarnya.

Selain mengadakan sesi perbincangan bersama pihak UMW bagi meluaskan lagi bidang kerjasama, delegasi UUM turut dibawa melawat ke galeri UMW yang mempamerkan warisan korporat, sejarah, kemajuan dan pertumbuhan Kumpulan UMW dari awalnya sejak tahun 1917 sehingga kini.

Delegasi UUM juga turut dibawa melawat ke kilang Lubetech Sdn. Bhd, anak syarikat UMW Auto Parts Sdn. Bhd. yang mengeluarkan, membungkus dan mengedar produk pelincir Pennzoil kepada pasaran kereta penumpang dan sektor kerajaan.

Mengiringi delegasi UUM sepanjang lawatan tersebut adalah Presiden Bahagian Pengilangan dan Kejuruteraan, UMW Corporation Sdn Bhd, Megat Shahrul Azmir serta kakitangan UMW Grantt.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.